

chose de nostre Institut, ou qui y eut du rapport; nvf le faisons tous les Vendredys dans la veüe qu'apres pasque il seroit difficile de le faire pour les diuerses absences & voyages: nvf commençasmes par la lecture du 3^e. traité de rodriguez de la Comp^e. & on l'Interrompoit de fois a autre pour lire le sommaire & autres choses qu'on lit tous les moys chez nvf; nvf y estions trois PP trois ff & vn de nos Domestiques.

DECEMBRE 1645.

St. Eloy

le 1^{er}. ceux de la forge vinrent demander le vin de la St. Eloy. ils estoient quatre, on leur donna quatre chapelets, & au maistre vne bouteille de vin.

St. fr. Xavier

le 2nd. a la messe St. fr. xavier, on dit vne grande messe, où nos ff seruirent en surplis; on intima le Dimanche auparauant les Indulgences & Mons^r. le Gouverneur fit sonner le matin au poinct du Iour la Diane, & tirer vn coup de canon; il n'y eut autre Ceremonie ce Iour-la: on y renouuela a la maison le veu de la Conception & a cet effect on fut dire deuant le St. Sacrem^t. les litanies & aux Vrsulines la veuille.

Vrsulines nvf enuoyent a disner.

le 3^e. les Vrsulines enuoyerent a disner a la maison; mais vn festin accompli: c'estoit le 1^{er}. Dim. de l'Aduent que le P. Dendemare commença a y prescher & moy aux Hospitalieres.